

NOVANTES.

47



Nde verò NOVANTES in vallibus terram illam coluerunt, quæ in Occidentem Solem magnis spatiis procurrit, ita tamen recessibus excavata ut subinde angustetur, & in ipsa rursus extremitate laxata liberius dilatetur, unde NOVANTVM CHERSONESSVM nonnulli dixerunt: Hodie vero eorum Regio continet Galloway, Carick, Kyle, & Cunningham.

GALLOVIDIA,

vulgò

GALLOWAY.

EX CAMDENO.

Galloway.



Alloway medii ævi Scripto-ribus Latinis Gallwallia, & Gallovidia, ab Hibernis, qui olim occuparunt & se Gael sua lingua contracte vocant, facta appellatione; Regio passim collibus insurgit, qui pecoribus pa-

Galloway-Nagges.

scendis quam frugibus ferendis feraciores; Incola piscaturam exercent tam in mari circumfuso, quam in rivulis & lacubus sub collibus ubique restagnantibus: è quibus sub Æquinoctium autumnale incredibilem anguillarum sapidissimarum multitudinem excipulis capiunt, unde non minorem quæstum faciunt, quam ex equis pumilis compacta membrorum firmitate ad labores perferendos qui hinc expetuntur. Inter hos primum se offert ad

Dee fl.

Kircow-bright.

Deam flu. à Ptolemæo memoratum, qui etiamnum, incolumi nomine, Dee vocatur, Kircow-bright portus hujus oræ commodissimus, altera Scotiæ Seneschalsia, quæ etiam ad Maxwellios spectat, inde Cardines munimentum ad Fleet fluvium asperæ & æditæ rupi affixum, & firmis mœnibus armatum. Iuxta Ken flu. Ptolemæo corrupte IENA mare allabitur, inde Wigton portus aditu angustiore inter Blaidnoo & Cream profluentes, qui & Vicecomitatus cui Agnew ex Insula præest, censetur. Comitum autem quondam habuit Archibaldum Douglas bello Gallico clarum, & hodie gratia R. Jacobi Sexti Ioannem Fleming qui ab antiquis Wigtoniæ Comitibus stemma deducit.

Comites Wigtoniæ.

Leucopibia.

Candida Casa.

Prope hunc locum Leucopibiam Urbem statuit Ptolemæus, quam ubi quæram plane nescio. Locus tamen postulat, ut sit illa sedes Episcopalis Niniani, quam Beda Candidam Casam, Angli & Scoti eadem notione With-berne appellitant. Quid ergo si Candidam Casam, Scotia.

quam Britanni dixerunt, Ptolemæus suo more Græce λευκὴ ἰνιδία converterit: id est, domicilia candida, pro quo librarii Leucopibiam nobis obtulerunt. Hoc in loco Ninia sive Ninianus Britannus, vir Sanctus, qui Pictos australes Christiana fide primus imbuat, Theodosio juniore regnante, sedem habuit, & Ecclesiam S. Martini nomini sacratam construxit, more Britonibus insolito, ut habet Beda, qui prodidit Anglos suo tempore hanc provinciam obtinuisse, & multiplicata fidelium plebe ad hanc Candidam casam, sedem Episcopalem fuisse constitutam. Paulo superius angusto tramite peninsula utrinque subeunte mari terræ annectitur, quæ proprie Novantum Chersonessus & Promontorium, vulgò The Mull of Galloway, id est, Rotum Gallovidiæ, appellatur.

S. Ninianus.

Novantum Promontorium.

Sub hoc ad Arctum sinus insulis confertus magno ambitu patet, in quem plurima undique se exonerant flumina. Primum vero ex ipso Promontorii vertice Abravatus, qui, suo loco paululum submotus, sic Ptolemæo dicitur, pro Aber-Ruanus, id est, Ostium Ruani. Hodie enim fluvius ille Rian, & lacus è quo effunditur Logh-Rian, halecibus, & piscibus saxatilibus admodum copiosus nominatur.

Abravatus.

Gallovidia hæc suos olim Principes & Dominos habuit, quorum primus, qui annalium monumentis celebratur, erat Fergusius, regnante Henrico Primo in Anglia, cui pro insignibus erat Leo argenteus erectus, & coronatus in parma cærulea, qui post multas quas dederat turbas, eò à Malcolm Rege adactus ut filium Uethredum obsidem dederit, & ipse rerum humanarum pertæsus habitum Canonici apud S. Crucem Edenburgi suscepit. Uethredum autem Gilbertus frater natu minor prælio cepit, & lingua excisa, oculisque erutis misere vita & patrimonio spoliavit. Sed intra pauculos annos

Gallovidiæ Domini.